

Við tollafgreiðslu á vörum, sem háðar eru innflutningsleyfum, skulu tollstjórar gæta þess að framvísað sé innflutningsleyfi fyrir viðkomandi vöru.

Það er skilyrði hvers konar gjaldeyrissölu og -kaupa, að viðskiptavinir gefi upp í banka nafnnúmer eða fyrirtækjanúmer, eftir því hvort um einkaviðskipti eða verslunarviðskipti er að ræða.

Óheimilt er að framselja innflutningsleyfi.

5. gr.

Til tollafgreiðslu þeirra vara, sem taldar eru í 1. gr. þessarar reglugerðar, þarf innflutningsleyfi, en heimilt skal að flytja inn án innflutningsleyfis eftirtaldar vörur, enda þótt þær falli undir eitthvert tollskrárnúmer, sem talið er í 1. gr.

1. Vörur, sem ætlaðar eru til afnota fyrir sendiráð erlendra ríkja og aðra, sem samkvæmt lögum og venju njóta hér tollfrelsis eftir nánari reglum, sem fjármálaráðherra setur.
2. Gjafir og aðrar sendingar, sem sönnur eru færðar á, að sendar séu hingað án þess að greiðsla komi fyrir.

6. gr.

Reglugerð þessi er sett samkvæmt lögum nr. 63/1979 um skipan gjaldeyris- og viðskiptamála og öðlast gildi 1. apríl 1980.

Jafnframt er úr gildi numin reglugerð nr. 499/1979 frá 12. desember 1979 um innflutnings- og gjaldeyrisleyfi.

Viðskiptaráðuneytið, 20. mars 1980.

Tómas Árnason.

Þórhallur Ásgeirsson.

AUGLÝSING

um gjaldeyrisviðskipti við erlenda ferðamenn.

1. Landsbanki Íslands og Útvegsbanki Íslands.

Það er aðalreglan, með þeim undantekningum, sem hér fara á eftir, að Landsbanki Íslands og Útvegsbanki Íslands mega einir kaupa gjaldeyri af erlendum ferðamönnum, enda geta þessir bankar einir enduryfirfært í gjaldeyri fyrir ferðamenn við brottför af landinu, gegn framvísun gjaldeyriskaupanótna. Á sú takmörkun einnig við þau gjaldeyrisviðskipti, sem heimiluð eru hér á eftir við aðra banka, sparisjóði, gististaði o. fl.

2. Aðrir bankar og sparisjóðir.

Aðrir bankar og sparisjóðir mega taka við gjaldeyri af erlendum ferðamönnum og föstum viðskiptamönnum vegna skipta þeirra við erlenda ferðamenn, enda sé öllum innkomnum gjaldeyri skilað til Landsbanka og Útvegsbanka innan viku frá móttöku. Bankar og sparisjóðir skulu færa skiptin á þar til gerðar afreikningsótur, flokka þær eftir fyrirsögn gjaldeyriseftirlits Seðlabankans og senda þær gjaldeyris-
effirlitinu eigi sjaldnar en á mánaðar fresti. Á nótur þessar skal skráð dagsetning gjaldeyris-
skiptanna, erlend upphæð, daggengi og andvirði í íslenskum krónum, auk nafns ferðamanns eða annars viðskiptaaðila og nafnnúmer eða fyrirtækjanúmer, ef um

innlendan aðila er að ræða. Gæta skal þess að afhenda ferðamanni afrit afreikningsnótu.

Gjaldeyrinum skal skipt á kaupgengi á afgreiðsludegi að frádreginni þóknun, skv. gjaldskrá gjaldeyrisbankanna. Skal helmingur þóknunar ganga við gjaldeyris-skil til gjaldeyrisviðskiptabankanna.

Öðrum gjaldeyri er hérgreindum bönkum og sparisjóðum óheimilt að skipta.

3. Aðrir aðilar, sem viðskipti eiga við erlenda ferðamenn.

Aðilar, sem skipta við erlenda ferðamenn sem aðalatvinnu eða sem veigamikinn og fastan þátt í starfsemi sinni, þ. e. hótél, flugfélög, skipafélög, ferðaskrifstofur, bifreiðaleigur, minjagripaverslanir, eigendur og forráðamenn veiðiréttinda í ám og vötnum og hliðstæðir aðilar, mega taka við greiðslu í erlendum gjaldeyri fyrir seldar vörur, leigu, afnotarétt og veitta þjónustu, og skulu þeir gera eigi sjaldnar en á 30 daga fresti gjaldeyris-skil með sölu gjaldeyrisins til Landsbanka eða Útvegsbanka eða síns viðskiptabanka. Ofangreindir aðilar skulu senda gjaldeyriseftirlitinu skýrslur, á þar til gerðum eyðublöðum, eigi sjaldnar en ársfjórðungslega miðað við lok hvers ársfjórðungs um hve mikil gjaldeyris-skil hafi verið að ræða, og í hvaða banka gjaldeyri var seldur, en hægt er að semja við gjaldeyriseftirlitið um lengri frest, sérstaklega fyrir aðila með minni eða afmarkaðan rekstur. Skýrslur þessar skulu hafa borist gjaldeyriseftirlitinu, eigi síðar en á 15. degi næsta mánaðar eftir hvern ársfjórðung.

Ofangreindar heimildir banka, sparisjóða, gististaða o. fl. skv. 2. og 3. tl. til gjaldeyris-skipta eru háðar þeim forsendum, að hérgreindum skilyrðum um gjaldeyris-skipti, sölu gjaldeyris og skýrslugerð sé sinnt af þeirra hálfu.

Gjaldeyriseftirlitið sér um framkvæmd reglna þessara og eru þær settar í samráði við Seðlabankann.

Auglýsing þessi er sett skv. heimild í lögum nr. 63 frá 30. maí 1979 um skipan gjaldeyris- og viðskiptamála og öðlast gildi nú þegar. Jafnframt fellur úr gildi auglýsing ráðuneytisins um gjaldeyris-skipti við erlenda ferðamenn nr. 258 frá 16. júní 1977.

Viðskiptaráðuneytið, 21. mars 1980.

Tómas Árnason.

Yngvi Ólafsson.

REGLUGERÐ

um friðunarsvæði við Ísland.

1. gr.

Skipum, er veiðar stunda með botnvörpu og flotvörpu eru bannaðar veiðar innan fiskveiðilandhelgi Íslands á eftirgreindum svæðum og tíma:

1. Í Reykjafjarðarál allt árið á svæði, sem markast að vestan og norðan af línun, sem dregnar eru milli eftirgreindra punkta:

- a) 66°34'7 N, 22°00'0 V
- b) 66°37'3 N, 21°21'5 V
- c) 66°58'6 N, 20°54'0 V
- d) 66°59'0 N, 20°40'0 V

að austan markast svæðið af 20°40'0 V.